

西夏志略



西夏志略卷一

唐

懿宗咸通 年平夏部拓拔思恭自稱刺史

按唐書懿宗本紀不載 按唐書党項傳始天

平夏部有戰功擢容州刺史天柱軍使其裔孫拓拔

思恭咸通末竊據宥州稱刺史

僖宗中和二年以拓拔思恭為四面都統封夏國公

賜姓李

按唐書僖宗本紀中和二年正月以拓拔思恭為南



面都統八月丁巳拓拔思恭為京城四面都統
党項傳黃巢入長安拓拔思恭與鄜州李孝昌增而
坎牲誓討賊僖宗賢之以為左武衛將軍權知夏綏
銀節度事次王橋為巢所敗更與鄭畋四節度盟屯
渭橋中和二年詔為京城西面都統檢校司空同中
書門下平章事俄進四面都統權知京兆尹賊平兼
太子太傅封夏國公賜姓李嗣襄王愠之亂詔思恭
討賊兵不出卒以弟思諫代為定難節度使思孝為
保大節度鄜坊丹翟等州觀察使并檢校司徒同中

書門下平章事王行瑜及以思孝為北面招討使思
諫東北面招討使思孝亦因亂取鄜州遂為節度使
累兼侍中以老薦弟思敬為保大軍兵馬苗後戚為
節度使

宋一

太祖乾德元年四月夏西平王李彝興獻犂牛一
按宋史太祖本紀云云

太宗太平興國七年夏五月夏州苗後李繼捧獻其
銀夏經宥四州六月其弟繼遷奔地斤澤

按宋史太宗本紀太平興國七年五月夏州留後李
繼捧獻其銀夏綏宥四州六月遣使發李繼捧總麻
已上親赴闕其弟繼遷奔地斤澤十一月以李繼捧
為彰德軍節度使 按夏國傳李彝興夏州人也本
姓拓拔氏唐貞觀初有拓跋赤辭者歸唐太宗賜姓
李置靜邊等州以處之其後析居夏州者號平夏部
唐末拓跋思恭鎮夏州統銀夏綏宥靜五州地討黃
巢有功渡姓李姓思恭卒弟思諫代為定難軍節度
使思諫卒思恭孫彝昌嗣梁開平中彝昌遇害將士

立其族子蕃部指揮仁福仁福卒子彝興嗣小具五代史彝興彝超之弟也本名彝殷避宋宣祖諱攻殷為奧初為行軍司馬清泰二年彝超卒遂加定難軍

節度使晉初加同平章事開運初契丹授西南招討

使漢初加兼侍中周初加中書令顯德初封西平王

世宗即位加太保恭帝初加太傅宋初加太尉北漢

劉鈞結代北諸部來寇麟州彝興遣部將李彝玉會

諸鎮兵禦之鈞衆遂引去建隆初獻馬三百匹太祖

大喜親視攻玉為帶且召使問曰汝帥腹圍幾何使

言彝與睡腹甚大太祖曰汝即真福人也遂遣使以
幣賜之乾德五年卒太祖廢朝三日贈太師追封夏
王子克膺立克睿初名光膺避太宗諱改光為克彝
與之卒自權知州事授檢校太保定難軍節度使開
寶九年卒兵破北漢吳堡砦斬首七百級獲牛羊千
計俘砦主侯遇以獻累加檢校太尉太平興國三年
卒太宗廢朝二日贈侍中子繼筠立繼筠初為衙內
都指揮使檢校工部尚書克膺卒自權知州事授檢
校司徒定難軍節度觀察苗後太宗征北漢繼筠遣

銀州刺史李光遠隨州刺史李光憲率漢蕃兵列陣
渡河畧太原境以張軍勢太平興國五年卒弟繼捧
立繼與捧以太平興國七年率族人入朝自上世以來
未嘗親覲者繼捧至太宗甚嘉之賜白銀千兩帛千
疋錢百萬祖母獨孤氏亦獻玉盤一金盤三皆厚賚
之繼捧陳其諸父昆弟多相怨願留京師乃遣使夏
州護總麻已上親赴闕授繼捧彰德軍節度使并官
其昆弟夏州蕃落指揮使克信等十二人有差遂由
赦銀夏管內太宗嘗宴群臣苑中謂繼捧曰汝在夏

州用何道以制詰部對曰羌人鶻悍但羈縻而已非
能制也弟權知夏州克文來朝以唐僖宗所賜其族
祖思恭鉄券及朱書御九束上改博州防禦使初繼捧
之入也弟繼遷出奔及是數來為邊患有信繼遷悉
知朝廷事蓋繼捧泄之乃出為崇信軍節度使克憲
為道州防禦使克文遣歸博州並送常叅官為通判
以專郡政繼遷繼捧族弟也高祖思忠嘗從兄思恭
討黃巢拒賊于渭橋表有鉄鶴射之没羽賊駭之遂
先士卒戰沒僖宗贈宥州刺史祠于渭陽曾祖仁顏

仕唐銀州防禦使祖彝景嗣子晉父光儼嗣子周建
隆四年繼遷生于銀州無定河生而有甚開寶七年
授定難軍管内都知蕃落使繼捧之歸宋時年二十
留居銀州及使至呂總麻親赴函乃詐言乳母死出
葬于郊遂與其黨數十人奔入地斤澤澤距夏州東
北三百里

雍熙元年冬十月夏州言掩擊李繼遷獲其母妻俘
千四百餘帳繼遷走

按宋史太宗本紀云云

按夏國傳太平興國八年

知夏州尹憲與都巡檢曾光實偵知夜襲破之斬首
五百級焚四百餘帳繼遷與其弟遁免獲其母與妻
雍熙二年春二月夏州李繼遷誘殺汝州團練使曾
光實四月夏州行營降西蕃五十餘族六月獲炭羅
臆等十四族是年武川團練使郭守文帥師討破夏
州鹽城鎮凡降銀麟夏三州

按宋史太宗本紀雍熙二年二月夏州李繼遷誘殺
汝州團練使曾光實四月夏州行營破西蕃息利族
斬其代州刺史折羅遇并弟埋乞又破保洗兩族降

五十餘族六月河西行營言獲爰羅臙等十四族焚
千餘帳按夏國傳李繼遷連要豪族轉遷無常漸
以彊大而西人以李氏世著恩德徃徃多歸之繼遷
因語其豪右曰李氏世有西土今一旦絕之爾等不
忘李氏能從我與後乎衆曰諾遂與弟繼冲破丑重
遇貴張浦李大信等起夏州乃詐降誘殺曹光實于
葭芦川遂襲銀州據之時雍熙二年二月也三月破
會州焚毀城郭而去按曹光實傳李繼捧之入朝
也以光實為銀夏經麟府豐宥州都巡檢使繼捧弟

西夏志卷一
六

繼遷逃入蕃落為邊患光實乘間掩襲至地斤澤俘斬甚衆破其族帳獲繼遷母妻及牛羊萬計繼遷僅免使人給光實曰我數奔北勢窘不能自存矣公許我降乎因致情歎陳甥舅之礼期某日降于葭芦川光實信之且欲專其功不與人謀及期繼遷先設伏兵令十數人近城迎致光實光實從數百騎往赴之繼遷前導北行將至其地舉手麾鞭而伏兵應之光實遂遇害按郭守文傳雍熙二年詔守文率兵屯三交俄加鎮武州團練使屬夏人擾攘命守文帥師

討之破夏州鹽城鎮炭羅賦等十四族斬首數十級
俘獲生畜萬計又破咩族殲焉諸部畏懼相率來
降凡銀麟夏三州歸附者百二十五族萬六千餘戶
西鄙遂寧

雍熙三年李繼遷叛宋始附遼

按宋史太宗本紀不載 按夏國傳雍熙三年遼以

義成公主嫁繼遷冊為夏王

按此年義成公主下嫁
與遼史本紀同而遼史

傳作統和七年則宋端
拱二年也今並存之

按遼史聖宗本紀統和四年十二月丁巳李繼遷引

五百騎歛塞願婚大國永作藩輔詔以王子帳節度
使耶律裏之女訂封義成公主下嫁賜馬三十匹
按西夏傳西夏本魏拓跋以後其地則赫連國也遠
祖思恭唐李受賜姓曰李涉五代至宋世有其地至
李繼遷始大據夏銀宓宥靜五州緣境七鎮其東西
二十五驛南北十餘驛子德明曉佛書通法律嘗觀
太一金鑑訣野戰歌製番書十二卷又製字若符篆
其俗衣白穿衫氍冠冠後垂紅結綬自號嵬名設官
分文武其冠用金縷貼間起雲銀幣帖排衣金塗銀

帶佩蹠躩解錐短刀弓矢穿靴禿髮耳環重紫旋襪
六襲出入乘馬張青蓋以二旂前引從者百餘騎民
庶衣青綠革樂之五音為一音裁祀之九拜為三拜
凡出兵先卜有四一炙勃焦以艾灼羊髀骨二擗筭
擗竹于地以求數若撲著然三呪羊其夜牽羊焚香
禱之又焚穀火于野次晨屠羊腸胃通則吉羊心有
血則敗四矢擊絃聽其聲知勝負及敵至之期病者
不用医菘白巫者送鬼西夏語以巫為廝也或遣他
室謂之內病喜報仇有喪則不伐人負甲棄于背識

之仇解用鷄猪血犬和酒貯于罽毼中飲之乃誓曰
若復報仇穀麥不收男女禿癩六畜死蛇入帳有力
小不能復仇者集壯婦享以牛羊酒食趨仇家縱火焚
其廬舍俗曰敵女兵不祥輒避去訴于官官擇舌
辯氣直之人為和斷官聽其屈直殺人者納命價錢
百二十五千土產大麥華豆青裸床子蔓鹹地蓬實菘
落苗小蕪荑席鴉草子地黃葉登廂草沙葱野韭拒
灰榛白蒿鹹地松實民年十五為丁有二丁者取一
為正軍負擔雜使一人為抄四丁為兩抄餘人得射

他丁皆習戰鬥正軍馬馳各一每家自置一帳圍練
使上帳弓矢各一馬五百匹橐馳一旗鼓五槍劍棍
楛抄袋兩氈渾脫鍍鑿箭牌鉄笈籬各一刺史以下
人各一馳箭三百毛幕一餘兵三人共一幕有砲手
二百人号潑喜勇健者号撞令即齎糧不過一旬晝
則舉烟楊塵夜則擗大為候若獲人馬射之号曰殺
鬼招魂或射草博人出軍用單日避晦日多立虛寨
設伏兵衣重甲乘善馬以鉄騎為前鋒用鈞索絞聯
虽或馬上不落其民俗勇悍衣冠騎乘土產品物子

西夏志卷一
姓傳國亦畧知其大概耳初西夏臣宋有年賜姓曰
趙迨遼聖宗統和四年繼遷叛宋始來附遼授特進
檢校太師都督夏州諸軍事遂復姓李十月遣使來
貢七年來貢以王子帳耶律襄之女封義成公主下
嫁繼遷

端拱元年五月感德軍節度使李繼捧賜姓趙氏名
保忠以保宗為定唯軍節度使十二月以夏州蕃客
使李繼遷為銀州刺史充洛苑使

按宋史太宗本紀云云 按夏國傳端拱初改感德

軍節度使屢發兵討繼遷不克用宰相趙普計欲委
繼捧以邊事令畱之田白赴關賜姓趙氏更名保忠太
宗親書五色金花箋以賜之授夏州刺史充定難
軍節度使夏銀綏宥靜等州觀察處置押蕃落等使
賜金器千兩銀器萬兩并賜五州錢帛芻粟田園保
忠辟日宴于長春殿賜襲衣玉帶銀鞍馬綿絲三千
尺銀器三千兩又賜錦袍銀帶五百副馬百匹至鎮
數月上言繼遷悔過歸欵乃授繼遷官然實無降心
端拱二年十月以定難軍節度使趙保忠同平章事

按宋史太宗本紀云云

淳化二年春正月遣商州練團使翟守素帥兵援趙保忠于夏州秋七月季繼遷奉表請降以為銀州觀察使賜國姓改名保吉

按宋史太宗本紀云云 按夏國傳雍熙四年知夏州安守中以三萬衆戰于王亭鎮敗績繼遷追至城門而返端拱元年繼捧之節制夏臺言能歸欵即授洛苑使銀州刺史淳化初復與繼捧戰于安利澤不利轉攻夏州繼捧乞師及翟守素來乃奉歸欵授銀

銀州觀察賜名保吉子德明管内蕃落使行軍司馬
又按傳淳化初与堪遷战于安慶澤繼遷中流矢
遁去保宗乞師禦繼遷遣商州團練使翟守素率兵
援之賜保宗茶百斤上醞十石

淳化三年十一月趙保忠貢鵲号海東青

按宋史太宗本紀云云 按夏國傳淳化二年獻白

鵲名海東青以久罷畋獵詔慰還之

淳化五年正月討李繼遷三月執趙保忠削趙保吉
所賜姓名五月封保忠宥罪候七月李繼遷來貢八

所月遣其弟奉表十一月遣使詔諭衣帶等物
按宋史太宗本紀淳化五年春正月以待衛馬軍都
指揮使李继隆為河西行營都部署討李继遷三月
趙保忠為趙保吉所襲奔還夏州指揮使趙光嗣執
之以獻李继隆率師入夏州四月削趙保吉所賜姓
名五月河西行營送趙保忠至闕下釋其罪授右十
中衛上將軍封宥罪侯秋七月李继遷遣使來貢八
月李继遷使其弟奉表待罪十一月遣使諭李继遷
賜以器幣茶菜衣服按夏國傳淳化四年轉運副

便鄭文寶議禁鹽池用困繼遷數月邊人四十二族
萬餘騎寇環州屠小康堡太宗乃遣錢若水弛其禁
因撫慰之五年正月繼遷徙绥州民于平夏部將高
文岷等因衆不尔反攻敗之繼遷復圍堡砦掠居民
焚積聚遂攻靈州詔遣李繼隆等進討繼遷夜襲保
忠走之獲其輜重以歸七月乃獻馬以謝又遣弟廷
信獻馬壹馳太宗撫眷甚厚遣內侍張崇貴詔諭賜
采采器幣衣物 又按傳淳化五年繼遷攻靈州遣
侍衛馬軍都指揮使李繼隆討之保忠先挈其日与

妻子避野外乃上言与继遷解怨献马五千匹乞罷
兵帝覽奏立遣中使督继隆进军及兵压境保忠反
为继遷所畜款保其众缚牙校趙克祚襲其营帳保
忠方寢闻喧作单骑走遂城为大校趙光嗣闭于别
室旦开门迎继隆乃執保忠送阙下待罪崇政扈庭
帝詰責数四释之赐冠带施帑并赐其母金銀施以
按之尋責授于右牛衛上将军封宥罪候賜第京师
保忠状貌雄毅居环列奉朝請常怏怏不自得武道
元年春正月李继遷遣使以良马橐駝来贡夏詔九

月遣使諭李繼遷授以鄆州節度使不奉詔秋九月
請遠軍言李繼遷入寇率兵擊走之

按宋史太宗本紀云

按夏國傳至道初遣左都

押衙張浦以橐駝及良馬來獻太宗令術士翹聞超

乘引彊奪槩于後園傳浦等觀且令兵士皆掘內石

弓帝笑問浦曰羌人敢敵否浦曰羌部弓弱矢短但

見此長大人則已遁矣况敢敵乎繼遷乞禁邊盜掠

詔令謹守疆場還所盜物遣閣門副使馮納中使費

繼隆持詔拜繼遷鄆州節度使不受乃以浦為鄆州

圖陳留京師繼遷表鄭文寶誘其部長鬼囉鬼志遂
敗文寶監山令繼遷以千騎攻清遠軍守且張延擊
退之

至道二年夏四月命傅術馬軍都指揮使李繼隆等
討李繼遷秋九月破李繼遷于烏白池

按宋史太宗本紀至道二年夏四月甲戌命傅術馬
軍都指揮使李繼隆為環慶等州都部署殿前都漢
侯范廷召副之討李繼遷五月癸卯李繼遷寇靈州
秋七月己亥朔命扈前都指揮使王超為夏綏麟府

州都部署九月己卯夏州延州行營言破李繼遷于
烏白池獲未募軍主吃囉指揮使等二十七人繼遷
遁 按夏國傳二年春命洛苑使白守榮等獲送鬮
粟四十萬于靈州且令車重先後作三隊丁夫持弓
矢自衛士卒布方陣以獲之遇敵剋戰可以無矢復
令會州峴寨使田紹斌率兵應援而守榮乃併為一
運繼遷邀擊于浦洛河紹斌不救衆潰運屍盡為繼
遷所得太宗聞之怒按田紹斌傳至道元年紹斌
拜會州峴寨使仍判解州俄充靈州馬步軍部署領

徒入蕃討賊斬首二千級獲羊馬橐駝二萬計馬以
給諸軍之闕者提聞于詔嘉諭之數部金粟帛詣灵
武清遠遠人警服不擾未幾皇甫继明白守荣等督
轉餉于灵州绍斌率兵援接抵賊并賊踰三千餘里
薄陣且行且斗至耀德凡殺人千寇復尾後绍斌為
方陣使被傷者居中自將騎三百步弩三百与敵兵
确于蒲洛河大敗之初守荣与绍斌為期既而继明
卒故後一日遂為賊所圍守荣等欲擊之绍斌曰蕃
戍輕挑勿棄輜重与战當按繼继陣徐行守荣等忿

曰若但率兵來迎勿預吾事他斌因率所部去輔重
四五里繼遷初見紹斌旌旗不敢擊守榮等自款邀
功与战賊先伏兵以羸騎挑戰已而伏發守榮等战

敗丁夫愕眙遁蹂踐至死者眾紹斌率所部徐還一
女遺失至清遠与張延州會食見潦中人裸而呼曰
我白守榮也緹引而上解衣遺之遣內侍馬從順驛
聞太宗益嘉之優詔褒美

至道三年正月以傅潛王昭遠為延靈二州都部署
二月行營破李繼遷十二月以趙保吉為節度使

按宋史太宗本紀至道三年春正月辛卯以侍衛馬
步軍都虞候傅潛為延州路都部署兵前都虞候王
昭遠為靈州路都部署二月丙申朔靈州行營破李
繼遷 按真宗本紀三月真宗即位十二月以銀州
觀察使趙保吉為定州軍節度使 按夏國傳三年
復命李繼隆為環慶等州都部署會四方館使曹璨
自河西至言繼遷眾萬餘圍靈武城中上表告急為
繼遷所得遂頓兵不去時朝議或云率輕騎三道持
平夏或云暑涉旱海無水泉糧運艱辛不如靜以待

文帝不聽九月親部分諸將繼隆出環州丁罕出慶
州范廷呂虫延州王超出夏州張守恩出廊州五路
進討直抵平夏繼隆以環州路迂乃自青岡峽遶靈
武徑超平夏兵行數日与丁罕合又行十餘日安所
見乃引還張守恩過之不战而遁王超范廷呂過之
于烏白池大小數十战不利諸將失期士卒困乏繼
隆復令軍主使不亂駐屯橐駝口以阻歸宋人繼隆
遣田敏等擊之 拙張鑑傳鑑拜左諫議大夫戶部
使會五路進兵討西夏令鑑乘傳往環州与李繼隆

議護送芻糧入靈州乃還上疏曰閔輔之民數年以
采併有科役畜產蕩盡室廬頓空加以浦洛之行曾
繼剝故原州之役又至遷延非獨令之弗從實緣力
所不逮况復先棄糧草見今遂處追科本戶相稅互
遣他州送納往返千里費耗十倍愁苦怨嘆充塞路
歧自眷徂冬曾無暫息餓殍之絕力用殫窮顧此疲
羸尤堪矜恤今若復差率益致流亡縱令驅迫必恐
撓潰願陛下特垂詔旨無使重勞因茲首春俾務東
作况靈州一方僻居絕塞虽西陲舊地寶中夏蠹區

竭物力以快湧困甲兵而援送蕭然空壘抵益外虞
不若以賜繼遷便懷思奉籍稍息飛輓之役事當環
憲理要預防若待川次而後防火熾而方戢則焚溺
深矣虽欲拯救其可得乎尋詔鑒專督軍糧以軍興
法從事饋運頗集 拙李重貴傳重貴至道二年出
為衢州團練使未行會命將五路討李繼遷以重貴
為麟府州濁輸砦路都部署得對便兵因言賊居沙
磧中逐水草牧畜無定居便戰鬥利則進不利則走
今五路各入彼聞兵勢大感不來接戰且謀遠遁歛

追則人馬乏食將守則地無堅壘賊既未平臣輩何
顏以見陛下太宗善之出御敵以賜又置還使按勞
既而諸將果無大功

真宗咸平元年春三月以趙保吉歸順遣使諭陝西
縱綏銀流民還鄉家給米一斛四月趙保吉遣弟繼
瑗入謝

按宋史真宗本紀云云 按夏國傳咸平春繼遷渡

表歸順真宗乃授夏州刺史定南軍節度夏銀綏宥
靜等州現峯處置押蕃落等使加邑千戶實封二百

戶蓋益功臣号乃放張溥浦還復遣押衙劉仁謙表讓恩
命詔不允賜仁謙錦袍銀帶尋遣弟繼瑗來謝恩授
繼瑗亳州防禦使封繼遷母衛慕氏衛國大夫人子
德明為定難軍節度行軍司馬未幾復抄邊

咸平四年秋九月李繼遷臨清遠軍十月璨以蕃兵
邀李繼遷輜重于唐龍鎮十二月李繼遷歸順

按宋史真宗本紀云云 按夏國傳四年麟府副部
署曹璨率熟戶兵邀繼遷輜重于柳撥川殺獲甚眾
九月來攻破定州懷遠縣及堡靜永州清遠軍監軍

段義叛城遂陷 按張齊賢傳四年李經遷陷清遠
軍命為涇原等州軍安撫經畧使以右司諫柒顥為
之副齊賢上言謂清遠軍陷沒以來青岡砦燒棄之
後靈武一群郡援隔勢孤此繼遷之所覬覦而必至者
也以事勢言之加討則不足防遏則有餘其計無他
蕃部大族首領素與繼遷有隙者若能啗以爵官誘
以貨利結之以恩信而激之以利害則山西之蕃部
族帳靡不傾心朝廷矣臣所領十二州軍見二萬餘
人若緣邊料東本城等軍更得五萬餘人招致蕃部

其數又踰十數萬但彼出則我歸東備則西擊使之
奔走不暇何能為我患哉令靈武軍民不翅六七萬
陷于危亡之地若繼遷來妻于我兵未舉之前發兵
救援靈武盡驅其衆并力攻圍則靈州孤城必難固
守萬一失陷城勢益增縱多聚甲兵廣積財貨亦難
保必勝矣臣所以乞封潘羅支為六谷王而厚以金
帛者恐繼遷旦暮用兵斷彼賣馬之路也苟朝廷信
使得達潘羅支則泥埋等族西南遠蕃不難招集西
南既稟命而緣邊之勢張則廊延環慶之淺蕃原渭

西夏志卷一
振戎之熟戶自然歸化然後使之與對替甲兵及駐
泊軍馬互為聲援則萬山聞之必不敢于靈州河西
頓兵矣萬山既退則賀蘭蕃部亦稍稍叛繼遷矣若
曰名器不可以假人爵賞不可以濫及此乃聖人為
治之常道非隨時變易之義也按李迪傳迪進右
諫議大夫集賢院學士知永興軍他日呂對龍圖閣
命迪草詔徐謂迪曰曹瑋在秦州屢請益兵未及遣
還辭州事第怯耳誰可代瑋者迪對曰瑋知哨廝囉
欲入寇且闕關中故請益兵為備非怯也且瑋有謀

略諸將皆非其比何可代陛下重發兵豈非將士王
皇聖号惡兵出宜秋門邪令閔右兵多可分兵赴瑋
帝因問閔右兵幾何对曰臣向在陝西以方寸小冊
書兵糧數備調發令猶置佩囊中帝令自探取目黃
門取帝筆具疏某處當留兵若干餘悉赴塞下帝顧
曰真所謂頗牧在禁中矣示久哨廝囉果犯邊秦州
方出兵復召迪問曰瑋此舉勝乎对曰必勝居數月
奏至瑋与敵战三都谷果大勝帝曰卿何以知瑋必
勝迪曰哨廝囉兵遠来使課者声言以某日下秦州

會食以激怒瑋瑋勒兵不動坐待敵至是以逸待勞也臣用此知其勝帝益重之自是欲大用矣

咸平五年春三月李繼遷陷靈州知州裴濟死之夏六月李繼遷圍廊州知廊州衛居實以兵擊走之

按宋史真宗本紀五年三月李繼遷陷靈州知州裴濟死之夏六月癸酉繼遷圍廊州曹潔請濟師詔發并代石隄州兵援之乙亥以侍衛馬軍都虞候王超為定州路駐泊行營都部署己卯以宣徽南院使知樞密院事周堂為永清軍節度使己酉詔益兵八千

分屯環慶涇原知鄜州術居實言繼遷以衆三萬來
攻城兵出擊走之殺傷過半 搆張旻傳賢齊賢又
請調江淮荆湘丁壯八萬以益防禦朝議以為動搖
兼澤國人民遠戍西鄙亦非便計遂寢齊賢又言灵
州斗絕一隅富城鎮完全磧路未硬之時中外已言
合棄自繼遷為患已乘危困弥甚南去鎮戍約五百
餘里東去環州僅六七日程如此畏途不須攻奪則
城中之民何由而出城中之兵何由而歸歟全軍民
理須應接為今之計若能增益精兵以合西邊屯駐

西夏志卷一
五
對替之兵從以原鎮渭戎之師率山西熟戶從東界
而入嚴約師期兩路交進設若繼遷分兵以應敵我
則乘勢而易攻且奔命途道首尾難術千里趨利不
敗則擒臣謂兵鋒未交而靈州之圍自解然後取靈
州軍民而置若于蕭關武延川險要處以僑寓之如
此則蕃漢土人之心有所依賴裁候平寧却歸舊貫
然後縱蕃漢之兵乘時以為進退則成功不難矣時
不能用未幾靈武果陷按楊億傳億拜左司諫知
制誥賜金紫咸平師西鄙未寧詔近臣議靈州棄守

之事憶上疏曰臣嘗讀史見漢武北築朔方之郡平
津侯諫以為罷弊中國以奉無用之地願罷之上使
辯士朱買臣等發十策以難平津平津不能對臣以
為平津為買相非不能折買臣之舌蓋所以將順人
君之意爾舊稱朔方地在要荒之外聲救不及元朔
中大將軍術青奮兵掠地列置郡縣今靈州蓋朔方
之故墟僻介西鄙數百里間無有水草烽火亭障不
相望當其道路不墮饗饋無虞猶足以張大國之威
聲為中原之扞蔽自邊境屢驚兇党猖熾爵賞之而

不恭討罰之而無獲自曹光實白守榮馬紹忠及王
榮之敗資糧靡履所失至多將士丁夫相枕而死以
致募商人輸帛入穀償償數倍孤壤築城邊民擇騷
國帑匱乏不能制邊人之命及濟靈武之急數年之
間兇黨逾盛靈武危堞巋然僅存河外五城健聞陷
沒但堅壁清野坐食糗糧閉壘枕戈苟度朝夕未嘗
出一兵馳一騎敢与之角此靈武之存無益明矣平
津所言罷契中國以奉無用之地正今日謂也臣以
為存有大害棄有大利國家輓粟之勞士卒流離之

善惡皆免焉堯舜禹聖之盛者也地不過數十里而
明德格天四門穆々武丁成王商周之明主也然地
東不過江黃西不過岷南不過蠻荆北不過太原
而頌聲並作号為至治及秦漢窮兵拓土肝腦塗地
校其功德豈可同年而語哉昔西漢賈捐之建議棄
朱崖當時公卿亦有異論元帝力排衆說奮乎獨見
下詔廢之人頌其德故其詔曰議者以棄朱崖羞威
不行夫不通于時變即憂萬民之飢餓危孰大焉且
宗廟之祭凶羊不備况乎避不暄之辱哉臣以為類

于灵武也必以失地為言即燕薊八州河湟五郡所
失多矣何必此為臣箚惟太祖命姚內斌領慶州董遵
遵誨領环州統兵裁五六千悉付以閩外之事士卒
効命疆場晏然朝廷每旰食之憂疆場每羽書之警
臣乞遣將臨邊賜給廩賦資以策畧許便宜而行倘
寇擾內屬撓之以勁兵示之以大信壞荒振遠諭以
賞格彼則奔潰眾叛安能與大邦為敵哉若款謀成
廟堂功在漏刻臣以為彼眾方點積財猶讐未可以
歲月破也直須棄灵州保环慶然後以計困之尔如

臣之策淨驍將數人提銳兵一二萬給數縣賦以資
所用令分守邊城則寇可就擒而朝廷得以無虞矣
景德元年春二月環慶部署言西涼府潘羅支集六
谷蕃部合擊李繼遷敗之繼遷中流矢死

按宋史真宗本紀咸平六年春二月庚辰以西涼府
六合首領潘羅支為朔方軍節度靈州西面都巡檢
便憂四月李繼遷寇洪德砦蕃官慶香乳都慶等擊
走之以慶香等領刺史六月丁卯瓦窰沒剌如羅昧
克等族以兵濟河擊李繼遷敗之景德元年春二月

环庆部署言西涼府潘羅支集六谷蕃部合擊李继
遷敗之继遷中流矢死羅支使來献捷 按夏國傳
咸平五年三月继遷大集蕃部攻陷灵州以為西平
府六年春遂都于灵州詔遣張崇貴王涉議和割河
西銀夏等五州与之六月渡以二萬騎圍麟州詔金
明巡檢李继周擊之圍未解麟州部署請濟師真宗
聞地曠四麟州依險三面孤絕戮力可守但城中乏
水可憂耳乃遣兵走援继遷果據水砦薄城已五日
知州術居宝山奇兵突战继勇士城下城上鼓噪矢

石如注殺傷萬餘人繼遷乃授去遂率衆攻西蕃取
西涼府都守首領潘羅支偽降繼遷受之不疑羅支遽
集六谷蕃部及者龍族合擊之繼遷大敗中流矢八
月復聚兵浦洛河聲言攻環州詔張凝等分兵以待
之景德元年正月二日卒年四十二子德明立又
按夏國傳景德元年保忠病劇上言有子永哥不肖
乞配春州帝以其病語乃授永州別駕詔監軍察之
尋卒贈威塞軍節度使克文亦死贈岳州防禦使
按遼史西夏傳聖宗純和六年入貢七年永貢八年

正月來謝三月又來貢九月繼遷遣使獻宋俘十月
以敗宋軍來告十二月下宋麟廊等州來告遣使封
繼遷為夏國王九年二月遣使告伐宋之捷四月遣
李知白來謝封冊七月復銀綏二州來告十月繼遷
以宋所授勅命遣使來上是月定難軍節度使李繼
捧來附授開府儀同三司檢校太師兼侍中封西平
王仍賜推忠勅順啟聖定難功臣十二月繼遷潛附
于宋遣韓德威持詔諭之十年二月韓德威還奏繼
遷託故不出至靈州俘掠以還而夏遣使來奏德威

俘掠賜詔撫諭十月來貢十二年入貢十三年敗宋
師遣使來告十四年又來貢十五年三月以破宗兵
來告封繼遷為西平王六月遣使來謝封冊十六年
來貢十八年授繼遷子德明朔方軍節度使十九年
遣李文舉來貢六月奏下宋垣環慶三州賜詔褒美
二十年遣使來進馬馳六月遣劉仁勛來告下靈州
二十一年繼遷遷晃其子德昭遣使來六月贈繼遷
尚書令遣西上閣門使丁振弔慰八月德昭遣使來
謝弔贈

西夏志卷一
景德二年夏六月以趙德明歸款諭河西諸蕃各守
疆界是歲夏州來貢

按宋史真宗本紀云云 按夏國傳繼遷以景德元

年正月二日卒年四十二子德明立祥符五年德明追
上繼遷尊号曰應運法天神智仁聖至道廣德孝

先皇帝德明小字阿移母曰順成懿孝皇后野刘氏
即位于柩前時年二十三邊臣以德明初立乞詔按
之因賜詔令審番去就又詔蕃族萬山萬遇龐羅逝
安萬子都實候軍主吳守正馬尾等率部下歸順

者授團練使銀萬兩絹萬疋錢五萬緡茶五千斤其
有止命叛去者擇罪孰錄既而康奴移移等率屬來
降德明遣牙將王昊奉表歸順賜昊錦袍銀帶遣使
禁夏居厚持詔答之因詔河西羌族各守疆場德明
連歲表歸順 按張齊賢傳二年改吏部尚書上疏
言曰臣在先朝常憂靈夏兩鎮終為徙遷并吞言事
者以臣所慮為太過略舉既往之事以明本末當時
目下皆以徙遷只是懷恋父祖舊地別無他心先帝
與以銀州廉察度滿其意爾後攻劫不已直至降麟

西夏天啓 卷一
府州畧八部族蕃酋又脇制賀蘭山下帳族言事者
猶謂封獎未厚洎陛下賜以銀夏土壤寵以節旌自
此姦威愈滋逆志尤暴屢斷靈州糧路復撓緣邊城
池數年之間靈州終為吞噬當靈池清遠軍垂款陷
沒且方受經略之命臣思隄遘湏是德一兩處强大
蕃族與之為敵此乃以蜚夷攻蜚夷古今之上策也
遂請以六合名目封潘羅支俾其展効其時近臣所
見全與臣謀不同多為沮撓及隄遘為潘羅支射殺
邊患謂可少息今其子德明依前攻劫折通遊龍鉢

等盡在部下其志又似不小且憲德明乘大駕東幸之際去攻六合則瓜沙甘肅于闐諸處漸為控制矣向使潘羅支尚在則德明未足為虞今潘羅支已亡厮鐸督恐非其敵望去大臣徑制其事

景德三年冬十月以趙德明為定難軍節度兼侍中封西平王

按宋史真宗本紀云云 按夏國傳景德三年德明復遣牙將仁勛奉誓表請歲盟府且言父有遺命帝嘉之乃授特晉檢校太師兼侍中特節都督夏州諸

軍事行夏州刺史上柱國充定難軍節度夏銀經宥
靜等州管内觀察安置押蕃落等使西平王食邑六
千戶食實封一千戶仍賜推忠保順亮節朔戴功臣
遣內侍左右班都知張崇貴太常博士趙湘等充旌
節官告使賜襲衣金帶銀鞍勒馬銀萬兩絹萬疋錢
三萬貫茶二萬斤給奉如內地因責子弟入質德明
謂非先世故事不遣乃獻御馬二十五匹散馬七百
匹驘駝三百頭謝恩
景德四年春三月趙德明遣使來謝廩給因貢駝馬

優詔答之

按宋史真宗本紀云云 按夏國傳四年又獻馬五
百匹橐駝三百頭謝絡奉塵賜襲衣金帶氍毹及請
便至京市所需物送之五月母岡氏薨除起復鎮軍
大將軍右金吾衛上將軍員外置同正員餘如故以
展中丞趙禧為吊贈兼起渡官告使德明以乐迎至
柩前明日釋服涕泣对使者自陳感恩及葬請修供
五臺山十寺乃遣洺門祇候袁瑞為致祭使護送所
供物至山復獻馬五百匹助修章穆皇后園陵

大中祥符三年趙德明以境內饑上表求粟

按宋史真宗本紀不載 按夏國傳大中祥符元年

以天書降加賜宇正功臣益食邑一千戶食實封四

百戶城境內旱詔權場勿禁西人市糧以振其乏東

封又遣使來獻禮成加兼中書令益食邑千戶實封

四百戶時遼亦遣使冊德明為大夏國王明年出侵

回鶻恒星晝見德明惧而還三年境內飢上表求粟

百萬朝議不知所出時王旦為相請勅有司具粟百

萬于京師詔其來取德明既得詔曰朝廷有人遂止

大起宮室于鞏子山會旱西攻河州日州宗牙旌及
秦州緣邊熟戶遂出大理河華柵倉耳半

大中祥符九年趙德明以邊臣違約格納逃亡表上
詔諸路約身之

按宋史真宗本紀不載 按夏國傳四年祀汾陰進

中書令五年聖祖降加守太保七年二月謁太清宮
遣使柔獻方物加宣德功臣八年築堡于石州濁輪
谷將建權場詔緣邊安撫司止之九年因表邊臣違
約招納逃亡云自景德中進誓表朝廷亦降詔書應

正夏天卷一
兩地逃民緣邊襍戶不令停舍皆俾交還自茲謹守
翰垣頗有倫理自向敏中歸闕張崇貴云亡後東邊
日罕守舊制各務邀功不虞生事遂致綏延等界涇
原以來檀拳兵甲入臣境土其有叛亡部族劫掠主
財去者百岳十回臣之邊更亦務蔽藏俱失奏論漸
棄盟約詔答已令廊延涇原環慶麟府等路約連邊
部毋相攻劫其有隱蔽逃亡晝時勘送本國亦宜戒
部下毋有藏匿各遵紀律以守封疆
仁宗天聖九年趙德明卒贈太師尚書令兼中書令